

MA EFESOSE Ɔko Gɔ I Paulo Ɔtsere Ɔtã Ma Efesose

¹ Mme Paulo gɔ iki i Ƴaa kuɔɔe ɔso loɔe Yesu Kristo katõmesedze ɔɔe nto ɔtsere ɔko gɔgbe lotã mi ma maseklera i Efeso fie mito mibara ara i ɔri iso i Kristo ame. ² Bo Ɔse Ƴaa gu Bosate Yesu Kristo si matã mi abualera gu isobue.

Ƴaa Se Ɔtã Bo Kusekuse Ala Kristo Ɔso.

³ Boto bope Ƴaa gɔ nde Bosate Yesu Kristo Ɔse siba so ɔtã bo siwarã ame kusekuse biara gɔ lobore i kato iki i bo mawẽ ibaragu Kristo ame. ⁴ Alaso iki i Kristo iso ne, Ƴaa ɔɔɔi bo ɔse, fie ɔbara kayiiso so boase sekelee, ikpi kuiwẽ iibawe bo iso i ɔ katõ. ⁵ Gɔ Ƴaa to ɔɔɔe bo ɔso ne, ɔɔsia ita koko so iki i bo mawẽ ibaragu Yesu Kristo ame ne, boakpese ɔ mabi. Nnegbe nde Ƴaa adzuni koko ne. ⁶ Nnegbe ɔso ikote so boale Ƴaa ne, alaso iba Ƴaa so ɔnyɔ bo nnya, ala ɔ Ɔbi ɔɔese ɔso. ⁷ Alaso iki i Kristo kukpi iso ne, bona idi gɔ ite so boɔna akpi isu itse. Ƴaa abualera ɔmo kere! ⁸ Ɔ abualera wa ɔba ɔtã bo ɔwodoro fie i ɔ iwola gu inogba ɔɔɔɔu ame ne, ⁹ Ƴaa ɔbara nne ɔɔe ɔse. Ɔɔi ɔ ara werea ɔte bo. Nwa ɔsia ita ɔse so ɔɔbara ɔwiri ɔkigu i Kristo iso. ¹⁰ Nne i Ƴaa ɔɔe ɔse so ɔɔbara ɔwiri si ɔwi ɔɔɔo nde so, ɔakpere ɔ kurabara ɔɔɔɔu ɔsirakanya, ara wa mpia i kuɔokpo gu nwa mpia i karõ iso, so wã ɔɔɔɔu aawe i Kristo kayirino.

11 Ƴaa ɔtã ira biara ɔba i ne ame le kumegɔ ɔto ɔbie tutuutu. Ɔ mɔmɔ loɖi bo ɔse so boabara mawẽ ku Kristo, 12 so bo ma nde maɖeakatɔ i Kristo ɔriinyɔ ame kokooko aase ngbã bole ɔ ikpawai. 13 Ne ɔso mi wũ mikpese Ƴaa maturi gɔ minɔ itɔme gbaã, Itɔme Bielea ne lobo mi idji. Mifo Kristo miɖe, ne ɔso Ƴaa ɔsu Siwarã Bielea dze ɔɣe ɔse so ɔatã ɔsia mi ikpari ne loate so ɔ mare miɖe. 14 Ƴaa Siwarã dzegbe nde ita isiara so boto boafɔ nne i Ƴaa ɔɣe ɔse so ɔatã ɔ maturi ne. Ana ne, ise isia ita itã bo so Ƴaa to ɔatã mma nde ɔ mare iwarã pelepele. Mitã bole ɔ iyere!

Paulo Ɔkparama Kayi I Mma Loafɔ Ɔko Gɔgbe Iti.

15 Nnɛgbe ɔso ne, ita i ɔwi gɔ lonɔ mi kafɔkaɖe i Bosate Yesu ame gu mi kuɖɔɣe gɔ miba mitã Ƴaa maturi ɔɖuɖu ne, 16 loinyua Ƴaa siba ɔɣe i mi iti fie lose lokparama kayi i mi iti ɔwi biara. 17 Nse lokare Ƴaa gɔ nde Bosate Yesu Kristo Ɔse, ngo nde ikpawai ɔɖuɖu Sate so ɔtã mi siwarã dze loatã mitsue ara, fie siaɖi Ƴaa site mi mitsue wũ kukaako. 18 Nse lokare wũ so ɔbusi mi anɔ so mianya nne ɔso fie ɔkpere mi ɔbo so mianyo ne ɔri. Ɔbie so si miatsue kumegɔ i nne ɔledza ɔse mma masekelera ɔfo kuya. 19 Ɔbie ana so botsue kumegɔ i ɔ ɔle gɔ nto ɔbara karabara i bo ma lofo wũ boɖe ame ɔmɔ. Ɔle gɔ nto ɔbara karabara i bo ame teteree ngbe ne, ɔ nde 20 ɔle gɔ i Ƴaa ɔsu ɔtara ala Kristo ɔbɔregu i makpise ame ɔse ɔasera i ɔ kuɖearɔ iso i kato ne. 21 Kristo to ɔɖe sigara i sile dze ɔɖuɖu nto siɖe iso i kato, ɔle gɔ i maturi ba i ara iso, sile agbãagbã dze mpia gu

sigarakudekõ ɔduɔ iso. Ɔ iyere ɔde ayere wa ɔduɔ mpia kayi kinio gu kayi ga nto kaaba iso. ²² Ƴaa ɔsu ira biara ɔpia i Kristo ngba kayirino fie ɔsu wũ ɔtã mafɔdedze ikuri le Sate go mba ɔle i ira biara iso. ²³ Mafɔdedze ikuri nɛgbe nde Kristo siturina dze lotã so ɔyi fie ɔpia i ira biara ame ne.

2

Ƴaa Ɔtã So Boba Ngbã Iki I Kristo Iso.

¹ Ɔwio ne, mikpi i siwarã ame ala mi atsuele gu akpi ɔso. ² Ɔwi gomɔ ame ne, misiai kayiiso ɔri lalaa gu Tsirise go nto ɔde siwarã lalaa ɔduɔ iso i ɔwiri ame fie ɔto ɔde matsuelese ɔduɔ ana iso kinio. ³ Gbaã ne, bo ɔduɔ ɔse le ma, fie bose ngbã le kumego i bo siturina se sidɔe fie ise ipia bo adzuni ana isoɔɔ. Nsegbai megbie igbã bose ɔso fie Ƴaa ɔnagu bo sikipã le kumego ɔto ɔnagu kayiiso maturi ɔduɔ sikipã ne. ⁴ Ƴee Ƴaa nnyainyo ne ɔba ɔtã bo na katui fie ɔ kuɔɔe ana ɔmɔ gbaã. ⁵ Atoa so bo akpi ɔso ne boɔkpi ne, ɔtã bota bobore i makpise ame ku Kristo. Ƴaa abualera kere ɔso boba ngbã. ⁶ Go bobara mawẽ ku Kristo Yesu ɔso ne, Ƴaa ɔtara bo ɔboregu i makpise ame so boadegu wũ sigara i ɔ sigarakudekõ i kato. ⁷ Ƴaa ɔbara nnegbie si ɔsu ɔte ta mma maiɔe mabo kayi so kuira na go ikategu ɔ abualera gu kayiribielea ga ɔba ɔtã bo ala Kristo Yesu ɔso. ⁸ Abualera ɔso kere ɔfo mi iki i kafokade ame ne iide iseɛ kuiwẽ ne mibara ɔso, ɔee Ƴaa karatã kade. ⁹ Iide kuwẽ kubɛ ipia ame ibore so ɔasu ɔde ndamu. ¹⁰ Ƴaa ɔbara bo ala ɔ arɔi, fie iki i bo mawẽ ibaragu Kristo Yesu

ame ne, ðòbara bo òtã ara sɛɛ ibara nɛ ðòledza bo ɔsɛ òtã koko.

Mma Lofò Kristo Maḍe Ɔɔkpese Maturi Mawě.

¹¹ Miniyigi sò mi ma loidɛ ma Yudase ne, ɔwiɔ ne, ma Yudase ma matu sirerě sɛ matia mi sò mma maitu sirerě, ɣɛɛ sirerě itu nɛgbe ne, sosina ame kubarara kere kuḍe, fiɛ ɔturi kere lobara ala arɔĩ. ¹² Miniyigi sò ɔwi gò lofe ne, mibua midzorogu Kristo. Mafò midɛ, fiɛ miidɛ Ƴaa maturi. Mina kayakpa kukawě i kaɣekase ga i Ƴaa ɔtã ð maturi ame. Miwe i ngbã ame gò miawe ɔriinyɔ, ɣee Ƴaa. ¹³ Ƴɛɛ kinio ne, iki i mawě ibaragu Yesu Kristo ame ne, maɔboregu mi ma lodzoro mabɔ Ƴaa kɔrɛ iki i Kristo ima nɛ ɔfere i karò ame.

¹⁴ Alasò Kristo mòmò ɔbɔ bo isobue gò ɔbara ma Yudase gu mma loidɛ ma Yudase mawě. Iki i ð mòmò sosina isu itã ame ne, ɔḍi itsiri nɛ lowe i ma ndě lɛ ibere. ¹⁵ Ɔḍi ma Yudase mmara gu kubarara sò iki i ð ngbã mɛ ɔsɛ i sosina ame ne, ɔsa ma aka wã anyɔɔ kanya. Ɔkpesera ma ɔturi ɣɛtɛ sò maabaragu wũ mawě fiɛ isobue aaba. ¹⁶ Iki i kukpi gò i Kristo ɔkpi i kudziri iso ame ne, ɔwɔra itsiri nɛ lowe i ma ndě, fiɛ iki i kukpi gòmò ame ne, ðɔfere ma gu Ƴaa kanya ndu. ¹⁷ Ne ɔso ɔba ðayere maturi ɔḍuḍu isobue Itõme Bielea. Ɔyere mma loidɛ ma Yudase fiɛ madzorogu Ƴaa gu ma Yudase ma lobore mabo wũ. ¹⁸ Kristo iso iki fiɛ bo ɔḍuḍu, ma Yudase gu mma loidɛ ma Yudase aawo bo Ɔsɛ kɔrɛ ɔba i Ƴaa Siwarã siwě ame.

¹⁹ Ne ɔso miisidɛ mafò ɣee marisedze, ɣɛɛ mi gu Ƴaa maturi ɔɔkpese Ƴaa ɔmagě gu ð iyo

maturi. ²⁰ Mise le ibere ne matsue masia i Katõmemasẽdze gu Yaa kanyamaqĩdze iso fie Kristo Yesu mómó nde ita ne lonya idó. ²¹ Ó lomóẽ kubereku odudu osa fie ikpese iyo iwẽ, fie ñ nse otsue iyo ikpese Yaa isoreyo sekelea. ²² Gó mibaragu Kristo mawẽ oso ne, mato matsue mi gu matsora odudu makpesera iyo ne ame i Yaa aase iki i ñ Siwarã ame.

3

Paulo Karabara Ga Obara I Mma Loiđe Ma Yudase Ndẽ.

¹ Nnegbe oso fie mme Paulo gó nde yoredze ala Kristo Yesu oso i mi ma loiđe ma Yudase iti ne, nse lokparama kayi lotã Yaa. ² Gbaã ne, lofo lođe so miõno kumego i Yaa onyo me nnya fie otã me karabara gagbe i mi iti. ³ Le kumego lotsere lotã mi kurukutu ne, Yaa ođi ñ nne obie so õabara owere ote me. ⁴ Si mika oko gogbe ne, mito miatsue kumego lonõ Kristo ara wera karõ. ⁵ Kokooko ne, Yaa iidji ara wera wagbe ote maturi, xee kinio ne, Yaa oki i ñ Siwarã iso ođi ote ñ katõmemasẽdze sekelea gu ñ kanyamaqĩdze. ⁶ Iwerera negbe nde so, iki i Itõme Bielea ame ne, mma loiđe ma Yudase gu ma Yudase ka maatoto mađe ñ ara. Maokpese sosina siwẽ iso ara, fie ka maba kadekõ i kayekase ga i Yaa otã okigu i Kristo Yesu ame.

⁷ Yaa oki i ñ ole ame ođe me buale gó osu me obara Itõme Bielea negbe ođabo. ⁸ Atoa so mme nde kosore i Yaa mafodẽdze ndẽ ne, ođe me buale so losu ñ karana gbodzo ga mpia i Kristo

ame lope imomo lotã mma loide ma Yudase. ⁹ Opia me sɔ lotã maturi ɔduɔdu si matsue Yaa go lobara ara ɔduɔdu adzuni wɛrɛa wa ɔbara ɔse ta kayi karɔkasekɔ. ¹⁰ Fie iaki i mafɔɔɔɔɔɔɔɔ iso ne, Yaa aadi ã iwola siare i siri gbodzoo iso ɔte mma nto maɔe iso gu mma nde sile sate ma nto maɔe iso i kuɔokpo ame. ¹¹ Nnɛgbe nde nne i Yaa ɔɔe ɔse sɔ ɔabara kokooko fie iibafe inya ne. Kinio ne, ɔotã iba i ne ame iki i Bosate Yesu Kristo iso. ¹² Go bofo Kristo boɔe fie bobaragu wũ mawẽ ɔso ne, ka boba katetere sɔ boabore bobo Yaa go boisibanigã. ¹³ Ne ɔso loto mi i kukpa sɔ inye ne loto lowe i mi kanya si idaafeɛra mi nroɔ alaso isaruɛ kerekere iakpadzẽ ibo mi.

Kristo Se Ɔɔɔe Bo.

¹⁴ Nnɛgbe ɔso loto lope Tete nroɔ ne, ¹⁵ ngo kɔre i ã kurabarara ɔduɔdu go i kato gu karɔ ɔfo iyere kubɔregu. ¹⁶ Loto lokparama kayi sɔ Yaa si ɔsu ã ɔle go mpia i ã ikpawai siare ame opia ta mi kame ame. ¹⁷ Ana ne, mi kafɔkaɔe si katã sɔ Kristo aana kase i mi situ ame, si mi kuɔɔe si kure sidu sɔ miaya teteree. ¹⁸ Fie miawe ɔle sɔ mi gu mafɔɔɔɔɔɔɔɔ ɔduɔdu aano kuɔɔe go i Kristo ba ɔtã mi karɔ. Kuɔɔe gɔgbe ɔbe, kukarã, kukɔle, fie kuwodoroo. ¹⁹ Idua i ne iso ne, Yaa si ɔtã mitsue Kristo kuɔɔe go karɔ i maturi iibawo ɔno sɔ Yaa kumiamia aayi i mi ame pɔpɔɔɔɔɔ.

²⁰ Yaa nde ngo ɔle nto ɔbara karabara i bo ame. Ɔse ɔwo ira biara ɔbara ɔtã bo ɔɔo kumego bokare yee bobu. ²¹ Ile nde ã gomo ɔkpe i mafɔɔɔɔɔɔɔɔ ikuri gu Kristo Yesu ame ɔwi biara ita i kinio ito ikele. Si iba ngbo.

4

Kristo Otã Mafõqedze Jõduðu De Mawẽ.

¹ Ne õso gõ lore i iyo ala Bosate karabara õso ne, loto mi i kukpa sõ mi nsegbai si mikotegu ngbã me õso i Yaa okpere mi. ² Mibõ so karõ si midẽ maturi xõa ana ne, mina õtu. Misu kuðõe mitã so i kumegõ miafõ mi malaa. ³ Gõ Yaa Siwarã õbara mi mawẽ ne, miki i õri biara iso sõ miasegu so i isobue ame. ⁴ Sosina siwẽ gu Siwarã siwẽ pe sidẽ mpia, ngbõ ame i ira ka iwẽ pe i Yaa okpere bo sõ boanyõ õri botã ne. ⁵ Sate õwẽ gu kafõkadẽ kawẽ saã boba fie Yaa itupie iwẽ saã bofõ. ⁶ Ngbõ ame i Yaa gu Jse õwẽ saã i maturi awune õduðu ba ne. J loðe ira biara iso fie õto õbara karabara okigu i ira biara ame, õpia i ira biara ame ana.

⁷ Fie Kristo oki i õ kayiribielea iso otã bo õbiara karatã. ⁸ Le kumegõ i Jko Sekelea õxe sõ,

“Jwi gõ oya okẽle kato ne,

okõ maturi gbdzoo ma iti okpẽ ofõ okẽlegu fie otã maturi karatã.”

⁹ Ne õso gõ maxe sõ oya okẽle kato ne, ite sekelee sõ õðe katõ õso okẽle ta karõ ame ana. ¹⁰ Ne õso ngõ losõ õba karõ ne, õ ame loya okẽle ta kato pelepele fie õyi i kayiiso ira biara ame ne. ¹¹ J õðe lotã maturi karatã ne. Jbara mawẽ katõmemasẽdze, mawẽ kanyamadidze fie mawẽ ana mma nse mawe maki maxe Itõme Bielea. Jbara mamama mafõqedze matõqedze gu maratedze. ¹² Otã ma karabara gagbe sõ iaki ma iso ne, maaledza mafõqedze matã Yaa karabara matã Kristo masiaidze katõ ise. ¹³ Yaa

ɔbara nneɓbe sɔ bo ɔɖuɖu aaba boakpese mawẽ i nne bofoɔ boɔe ame fie boatsue ʎaa Ɖbi pelepele. Boamɔ bokpese le Kristo fie ɔ̃ kumiamia aawe i bo ame.

¹⁴ Sɔ boisibaɔe mabiete ma i ara ite ɔete biara aafuri le ɔwiri ɔsegu ɔkpeseɓu. Boibaɔe mma maaki i inoɓba ɔri masɔsɔla makeleɓu ikpi ame. ¹⁵ ʎee i kuɔɔe ame ne, boaba ɔnukuare maɔese sɔ boamɔ i Kristo go nde bo ɔɖuɖu iti ame. ¹⁶ Ɖ nde ngo lomɔẽ kuturidziri ɔɖuɖu ita i akui, ibo i sitɔbe ame i ɔturi ame ɔsakanya. Ɖbara ngbo sɔ kuturidziri ngoi ɔɖuɖu se mibara karabara pepeere sɔ bo ɔɖuɖu aamɔ i kuɔɔe ame.

Mise Le ʎaa Mabi Awe.

¹⁷ Ne ɔso i Bosate iyere ame ne, loto loka mi sɔ midaase ngbã le mma loiɔe ma Yudase fie ma adzuni ɔnyanyarĩ, ¹⁸ ma adzuni ame se gudu. Mana kaɔekɔ̃ kukawẽ i ngbã me i ʎaa se ɔtã ame, maɔe matsuelese gu mma loise mabɔ so karɔ̃. ¹⁹ Maisise makpẽ kunuare i abarara pẽ ibara iso, ne ɔso mase makeke anɔ mabara ara nyanyarĩa biara igbã.

²⁰ Mi ɔee ne, iide ara wagbe misuã mibɔreɓu i Kristo kɔre! ²¹ Mme ne, losu sɔ miɔnɔ Yesu iso itɔme, fie ɔ̃ marasuãdze ɔote mi nne nde ɔnukuare i ɔ̃ iso. ²² Ne ɔso minyua mi nseɓbai kuere me lowe i mi ame nne lotã mise ngbã nyanyarĩa mifegu mise. Mila miɔbara ara wa nse akpẽ sosina ɔkã fie ase akɔ ɔturi akelɓu kasɔla ame. ²³ Mifinikira mi adzuni gu nseɓbai mibara ira ɔete. ²⁴ Misu nseɓbai ɔete me mba

Ƴaa kumiamia fie mise bɔlɔlɔ gu sekelee mipia le awu awe.

²⁵ Ne ɔso minyua mila ɔla, si ɔbiara si ɔɣere ɔ ɔlaa ɔnukuare alasɔ mi ɔɔɔɔ ne, Kristo kuturidziri iso ara miɔe. ²⁶ Midaatã mi sikipã ina si itã mibara ikpi, fie midaatã kuɣẽ si kubo iyo i mi sikipã ina ame. ²⁷ Midaatã Tsirise ɔri. ²⁸ Mma lola maɔyu kayu si manyua si masu ma nrɔɔ mabara karabara sɔ maana aɔera maɔe makuti matã mawereba.

²⁹ Midaatã atsue pẽ wa loibako ɔturi asegu katɔ si abɔre i mi kanya ame, ɣee si miade ika ne, ara wa loako maturi asegu katɔ fie aabuai ma si abɔre mi i kanya. ³⁰ Midaabara ara wa loabo Ƴaa Siwarã so alasɔ sã i Ƴaa ɔsu ɔse mi ikpo sɔ ɔafɔ mi ku iyi tsɔra iso ne. ³¹ Miɔi kaɔo gu sikipã gu itsiri ɔɔɔɔ i mi ndẽ. Ana ne, minyua kulu gu iweweso gu adzuni nyanyarã biara ibu i mi malaa iso. ³² I nwagbe kanya ne, mi manyii ara si aɔo mi kayiri si mibara kayiribielea mitã so. Misu mi manyii akpi mitse ma le kumegɔ i Ƴaa ɔsu mi are ɔtse mi iki i Kristo iso.

5

Mise Ngbã Me Loabo Ƴaa Anɔ.

¹ Gɔ Ƴaa mabi ɔɔese miɔe ɔso ne, mipia kubɛ sɔ miare wũ. ² Miɔi kuɔɔe mite i mi nsegbai ame le kumegɔ i Kristo ɔɔɔe bo fie ɔsu so ɔsɔre i bo iti, le ira korɔkorɔa ne mafẽ matã Ƴaa fie ibo wũ anɔ.

³ Gɔ Ƴaa mabi miɔe ɔso ne, iikote sɔ maakpese maye sɔ kuwẽ i mi ndẽ to ɔɔe asɔrɔ, ɣee ɔɔe nɔlese, ɣee ɔto ɔbebe anɔ. ⁴ Ana ne, iikote sɔ

miaxe situri pẽ ara, xee onole, xee atsue pẽ, xee mipe Yaa siba. ⁵ Mitsue kukaako so obiara go nse oðe asorõ, xee oðe nolese, xee oþa kanobebe igbã biara ne lokotegu ixsore ne, õibakele Kristo gu Yaa sigarakadekõ onya.

⁶ Midaatã kuwẽ si osu sidzimi itõme kuiwẽ ososola mi alaso ara wamo igbã nse atã Yaa kutsue ikpadzẽ oþa mma mba atsuele iso ne. ⁷ Ne oso midaabaragu ma mawẽ.

⁸ Alaso owio ne, miwe i idududu ame, xee kinio ne, ikpawai ame ka mipia mito midegu Bosate kulaa. Ne oso mise ngbã le ikpawai ame maturi.

⁹ Alaso kusia go i ngbã see ise se mikpadzẽ mibo nde ara see ibara, ara ibara i ori iso, gu onukuare ixe. ¹⁰ Ara wa loabo Bosate ano ne, mipia kube so miasuã wã ibara. ¹¹ Midaabara mawẽ ku ara wa i maturi se mabara i idududu ame alaso ana kusia kukuwẽ, xee midj wã mite. ¹² Alaso iba kunuare so maaxe ara wa mase mabara i iwere ame kora. ¹³ Fie ira biara ne i ikpawai oðj ite ne, ise ite sekelee manya. ¹⁴ Alaso ira biara ne maðj mate sekelee ne, ise ikpese ikpawai, ne oso fie maxe so,

“Fo go fo nto are sire ne, ta i sire si ata abore i makpise ame, fie Kristo ikpawai aafie ifere-o.”

¹⁵ Ne oso minyo so kukaako kumego miase ngbã. Midaase le mma loikpa ano, xee le manogbadze awe. ¹⁶ Ori biara go mina ne, mibara õ karabara, alaso owi nyanyarã ame bopia. ¹⁷ Midaađe mma loikpa ano, xee midzuĩ minyo so be i Bosate to obie so mibara. ¹⁸ Midaane ndã mirẽ, ala ise itã oturi oþara ara

wa loile, χεε mitã Siwarã Bielea si siyi i mi ame. ¹⁹ Misu Ōko Sekelea ame aka mipia so katetere, si misu aka sekelea igbã biara mile Bosate i mi situ ame. ²⁰ Ōwi biara ne, mila miϷε bo Ōse Υaa siba i ira biara iti iki i Bosate Yesu Kristo iyere ame.

Kumεγo I Marã Gu Mare Aase Le MafϷedze Awe.

²¹ Mibo so karϷ mitã so ala kuware go miba mitã Kristo oso.

²² MarϷgo si mabo so karϷ matã ma marã le kumεγo mabo so karϷ matã Bosate awe. ²³ Alaso Ϸrerẽ nde iti i Ϸ ore iso le kumεγo i Kristo de iti gu Đidze Ϸtã mafϷedze ikuri ne nde Ϸ kuturidziri.

²⁴ Ne oso le kumεγo i mafϷedze ikuri obo so karϷ matã Kristo ne, ϷrϷgo biara si obo so karϷ Ϸtã Ϸ Ϸrã i ira biara ame.

²⁵ Marerẽ, mi wũ midϷε mi mare le kumεγo i Kristo ϷϷε mafϷedze ikuri fie osu so Ϸtã i ne iti. ²⁶ Ōbara ngbo so si osu osekelera mafϷedze ikuri go ϷϷpie ne ndu ala Ϸ itōme. ²⁷ Ōbie so inyini, χee iγere kuiwẽ aawe i mafϷedze ikuri iso. Ōbie so maakere ne i isekele ame so ikpi kuiwẽ iibawe ne iso fie Ϸabo ne i Ϸ kore.

²⁸ Ikote so marerẽ aadϷε ma mare le kumεγo mato maϷε ma sosina. Ōrerẽ biara go nto ϷϷε Ϸ ore ne, Ϸto ϷϷε so. ²⁹ Kuwẽ iise otsiri Ϸ sosina, χεε Ϸε onyo sẽ iso kukaako, Ϸtã sẽ adera, onyo sẽ iso le kumεγo i Kristo se obara Ϸtã mafϷedze ikuri. ³⁰ Ala Ϸ kuturidziri iso ara boϷε. ³¹ Le kumεγo matsere mapia i Ōko Sekelea ame so, “Nnegbe oso i Ϸrerẽ aarui i Ϸ ose gu onyi kore Ϸε omatã i Ϸ ore iso fie ma inyoo aakpese sosina

siwẽ ne.” ³² Itõme weraa ne mpia i Yaa itõme negbe ame owodoro, xee mme lonya so Kristo gu ñ mafodedeze iso ide ode ika. ³³ Yee nne loto loxe nde so, ikote so mi obiara aadpe ñ ore le kumego oto adpe so fie orõgo biara ana si onyo so osu kuware otã ñ orã.

6

Kumego I Mayese Gu Mabi Aase Ngbã.

¹ Mabi, go Bosate mare mide oso ne, mikã mi mayese atsue ala ngbo ikote so miabara ne.

² Mmara deakatõ me iso i kaxekase obua nde so, “Ware fo ose gu fo onyi. ³ Si ialegu-o fie aase ngbã dzoroo i kayi gagbe iso.”

⁴ Mabi mase, midaapia mi mabi sikipã, xee minyo ma iso kukaako si mikpadzẽ ma so maawo so omõõ ola mabara i mmara iso le kumego i Bosate ote awe.

Ngbã Me Ikote So Maḍabo Aasegu Ma Makõse.

⁵ Maḍabo, mikã mi karõ iso makõse atsue i kunigã ku iti ikpakpa ame. Mibara ngbo ku mi situ oduḍu le Kristo mito mibara mitã. ⁶ Iide si mapia kotoo miabara isee so si maḍpe mi, xee ku mi ole oduḍu ne, mibara nne i Yaa se adpe le Kristo maḍabo awe. ⁷ Le maḍabo ne, mibara mi karabara ku isoyõ le Bosate karabara mito mibara ne iide oturi kare. ⁸ Minyigi so Bosate to ñatã obiara kuso i karabara see ga obara oso, oḍabo aḍe o-o, iide oḍabo aḍe o-o.

⁹ Makõse, mi wũ mila mi maḍabo kukaako si minyua ma ifõ opia. Mitsue so ngõ nde mi gu ma

oḍuḍu Ɖkose pia i kato, fie ñ ne, ñise onyo oturi i katõ oḡe atõme.

Misu Siwarã Ame Akpapkẽra Ɖḍuḍu Mipia.

¹⁰ Kawirikõ ne, mawe ɔle i Bosate gu ñ ɔle siare ame. ¹¹ Misu akpapkẽra wa oḍuḍu i Ƴaa otã mi mipia so miawo ɔta ɔya i Tsirise kasusu nyanyarĩa iso. ¹² Alaso iide maturi awune boto bokpẽgu, ɣee siwarã ame sile, siwarã ame mma nto maḍe iso, mma nto maḍe iso i idududu kayi ame gu ara lalaa ibara siwarã dze nto sibara karabara i kato boto bokpẽgu. ¹³ Ne ɔso misu Ƴaa akpapkẽra oḍuḍu mipia so si iyikpi nemo otu mi ne, miawo ɔya teteree mikpẽ kakkpã mise miabo kawirikõ so ɔle iibaro mi iso.

¹⁴ Ne ɔso miya teteree si misu onukuare minyi so sisɔ, misu ara see ibara mifu so agbegbe le ibora ne mase masu mafu igbegbe so mirẽ iibayo kpakpẽdze awe. ¹⁵ Itõme Bielea ne nse ibo isobue si ide mi kakkpã ikpẽ ndokota me miapia i iledzaso ame. ¹⁶ Isu ibua i nwagbe oḍuḍu iso ne, mimõẽ kafokade ga nde le nne nse ifo akpira mila. Ne nde nne miasu minidza Tsirise mirẽ me nto mitsue le ɔto ne. ¹⁷ Misu idi mitõme le ibora ikoto si misu Ƴaa itõme mila le siwarã ame itekpe. ¹⁸ Mitã Siwarã si siko mi mila miokparama kayi owi biara si mikare Ƴaa ibuai. Nnegbe ɔso ne, minyo so nroõ iibafẽ mi, ɣee mikparama kayi owi biara i Ƴaa maturi oḍuḍu iti.

¹⁹ Mme wũ mikparama kayi i wũ iti so Ƴaa aasu ñ Itõme Bielea opia me i kanya loḡe ku katetere loḍi awerera wa mpia i ne ame lote.

²⁰ Itõme Bielea negbe ɔso loɖe katõmesedze atoa so lore i iyo ne. Mikparama kayi i wũ iti so loawo ne ɔɣe le kumegɔ ikote.

So Imala Atõme.

²¹⁻²² Loto lopia bo ɔnyii ɖɔese gɔ nde ɔɖabo sɛɛ i Bosate karabara ame fie marɔ wũ Tihiko. Ɔto ɔaxere mi nne loto lobara gu kumegɔ ise me i ngbe fie ka ɔapia mi ɔle ana.

²³ Yaa gɔ nde bo Ɔse gu Bosate Yesu Kristo si matã mafɔɖedze ɔɖuɖu isobue gu kuɖɔe ku kafɔkade. ²⁴ Yaa abualera si awegu mma ɔɖuɖu nse maɖɔe Bosate Yesu Kristo ku kuɖɔe gɔ loibaro.

Ndamu Yεε Siwu
Siwu: Ndamu Yεε Siwu New Testament

copyright © 2008 Wycliffe Bible Translators, Inc.

Language: (Siwu)

Contributor: Wycliffe Bible Translators, Inc.

All rights reserved.

2020-11-30

PDF generated using Haiola and XeLaTeX on 13 Jul 2024 from source files
dated 1 Dec 2020

b5020a1a-c7b9-512a-9b46-1e462be571d4